

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Tiramento na Jouvert: Suceso of sintoma di algo mas preocupante?

Jouvert Morning ta un di e celebracionnan di Carnaval mas popular cada temporada. Cu hende bailando riba caya den marduga te mainta, hopi biaha bisti den pijama y otro bisti dibertido, e ta un di e eventonan mas unico y original. Sinembargo, e aña aki un suceso a marca a celebracion: Tiramento entre gang. Mirando e desaroyonan reciente den region Caribe, por conclui cu esaki no ta un suceso isola.

Pa 4:03 di mainta SMAC conhuntamente cu KPA a haci inicio Jouvert Morning 2025. E aña aki a usa un ruta diferente cu a cuminsa y caba na Carnaval Village. KPA a conta cu 160 personal riba pia. Diferente departamento di Cuerpo Policial a traha hunto entre otro Mobiele Eenheid, Flex Team, Polis Uniforma, Departamento di Recherche, Personal administrativo, departamento di trafico y planologie, AE, K9 Unit, Mobiel Commando y OCC como tambe personal di CEA.


Pa 8:49 di mainta e cabes di e parada a yega Carnaval Village y pa 9:25 parada di Jouvert a yega su final.

Cuerpo policial a informa cu e aña aki tabatin 20 detencion, di cual departemento di Recherche a sigui cu e caso pa mas investigacion. E detencionnan tabata basa riba entre otro; droga, arma blanco (sker, cuchiu, bat, machete) bringamento, buracheria y arma di candela.

Tiramento

Den su comunicado di prensa despues di e parada, Cuerpo Policial a nota: "Durante parada di Jouvert den caya Monseigneur Verrietstraat, gang lo a tira otro cu arma di candela," agregando cu "3 di e sospechosonan a core bay direccion di Carnaval Village, na unda cu personal di K-9 a topa cu nan y a detene 3 sospechoso como tambe haya e arma di candela y a confisca esaki. A pasa e sospechosonan pa departemento di Recherche pa mas investigacion."

Tambe polis a nota cu tabatin otro bringamento involucrando machete y bat na Weg Rooi Hunto. "Poco prome cu 11or mainta a drenta un melding na unda tin bringamento cu machete y bat y na Weg Rooi Hundo. Polis uniforma y ME a presenta na unda a detene 5



sospecho. E sospechosonan a wordo pasa pa departemento di Recherche," Cuerpo Policial a informa.

Arma den Caribe

Recientemente, por mira cu den region di Caribe, incluyendo e islanan di Reino Hulandes, tin un aumento notable den e cantidad di arma cu ta circulando, y e violencia den cual ta usa nan, cu tambe tin vinculo cu e fenomeno di gang. Maske gang no ta nada nobo, por nota si un aumento den e incidencia di suceso cu ta relaciona cu gang y arma di candela.

Por ehemplo, recientemente portal noticiero Caribisch Netwerk den su articulo "Plotselinge toename van wapengeweld op Bonaire: inwoners maken zich zorgen" a reporta tocante e aumento di

violencia cu arma di candela na e pais. Den e articulo, ta nota cu recientemente, Bonaire a experimenta un aumento repentino den violencia cu arma di candela, incluyendo su prome tiramento fatal. "Ultimo tempo Boneiro ta confronta diripiente un aumento drastico den violencia cu arma di candela. Unda hortamento chikito ya tabata algo normal den noticia, awo e delitonan ta muestra cada bes mas erg. Den luna di november tabatin den un solo siman tres incidente cu arma di candela. Tabatin hasta e prome tiramento cu resultado fatal."

Den su rapport "Tasanan halto di asesinato den Caribe vincula na arma trafica for di Merca," departamento Mericano pa responsabilisacion di gobierno a trece dilanti un cantidad di datonan interesante. Por

ehemplo, ta nota cu morto violento den Caribe ta casi tres biaha e averahe global, cu paisnan manera Jamaica, Haiti y Trinidad y Tobago riba e top di listanan internacional pa e tasanan mas halto di asesinato. Pero tambe ta nota cu mita di e asesinatonan aki ta involucra arma di candela, hopi di cual por trace back na Merca. "Paisnan Caribense no ta fabrica arma. Pues con e armanan aki ta yegando e islanan?" e articulo ta cuestiona. Entre 2018 y 2022, a recupera 7,399 arma usa den crimen, y di esakinan, 73% (5,399 arma) a bin for di Merca, segun Bureau AFT di Merca.

"Oficialnan Mericano y Caribense a bisa nos cu nan ta mirando armanan di poder mas halto y cada bes mas mortal drentando Caribe," e articulo ta nota.

E articulo di gobierno Mericano ta nota cu miembronan di gang y otro criminalnan ta trafica arma a traves di waf riba barco chikito of barconan di cargo comercial, of aerolineanan comercial. A haya arma scondi den auto y television, y articulonan di cas manera saco di aros y caha di cereal.

Mientras tanto, na Aruba e aña aki ya tabatin incidentenan di tiramento cu arma di candela. Ademas di esun den weekend durante Jouvert, na januari tabatin un incidente straño unda a tira cu arma di candela riba un auto. Diasabra 19 di januari, tabatin un accidente basta serio banda di Carnival Village. Na yegada di e patruya a bin compronde cu aki lo ta trata di un caso di persecucion cu posibel tiramento cu arma di candela. E chauffeur den e auto lo a perde control bay dal riba un palo di luz y un mata di kwihi y a keda pega den e ruina di e auto te cu mester a solicita e ekipo di rescate di bombero pa asina libera e victima. Durante e investigacionnan a logra haya marcanan di tiro di arma di candela riba e auto.

Autoridadnan local ta bezig cu campananan di control y conscientisacion, unda tambe ta facilita pa hende por entrega nan armanan ilegal di manera anonimo na polis. Pero mirando e desaroyonan regional, unda tin aumento di violencia di gang y un aumento den e cantidad di arma di candela, por cuestiona con hopi autoridadnan local por haci, y cuanto di e responsabilidad ta keda na autoridadnan di frontera.

